

NO. SOALAN: 309

**DEWAN RAKYAT
PEMBERITAHUAN PERTANYAAN
MESYUARAT KETIGA, PENGGAL KEDUA
PARLIMEN KETIGA BELAS
(2014)**

PERTANYAAN : BUKAN LISAN

**DARIPADA : Y.B. TUAN SIM TONG HIM [KOTA
MELAKA]**

SOALAN :

Tuan Sim Tong Him [Kota Melaka] minta **PERDANA MENTERI** menyatakan tentang kedudukan keagamaan anak-anak di bawah umur 18 tahun, jika salah seorang ibu bapa mereka memeluk agama Islam:-

- a) adakah Kerajaan bersedia meminda undang-undang yang terlibat untuk mengatasi keraguan-keraguan mengenai kedudukan ini; dan
- b) jika ya, bilakah pindaan undang-undang ini akan dilaksanakan.

**JAWAPAN: (Y.B. MEJAR JENERAL DATO' SERI JAMIL KHIR
BIN HAJI BAHAROM (B), MENTERI DI JABATAN
PERDANA MENTERI)**

Tuan Yang di-Pertua,

- a) Untuk makluman Ahli Yang Berhormat, apa-apa penyelesaian yang hendak dibuat perlu merujuk kepada Perkara 12(4) Perlembagaan Persekutuan dan subperenggan 95(b) Akta Pentadbiran Undang-Undang Islam (Wilayah-Wilayah Persekutuan) 1993 [Akta 505] di mana agama bagi kanak-kanak yang berumur di bawah lapan belas tahun hendaklah ditetapkan oleh ibu atau bapa atau penjaganya. Dalam kes **Subashini a/p Rajasingam lawan Saravanan a/l Thangathoray [2008] 2 MLJ 147** Mahkamah Persekutuan telah memutuskan bahawa berdasarkan Perkara 12(4) Perlembagaan Persekutuan, agama anak yang di bawah umur boleh ditetapkan oleh ibu atau bapa masing-masing.

Oleh yang demikian, semua pihak adalah tertakluk kepada peruntukan undang-undang sedia ada dan keputusan Mahkamah berhubung perkara tersebut.

- b) Memandangkan peruntukan undang-undang sedia ada boleh diguna pakai bagi menyelesaikan pertikaian yang berbangkit mengenai perkara berkenaan, maka semua pihak adalah tertakluk kepada peruntukan undang-undang tersebut.

Sekian, terima kasih.